

## Publicaziuns officialas dils 28 da fevrer 2025

### Vischnaunca Trun

#### Damonda da baghegiar

**Datum da publicaziun: 28-02-2025**

Petenta: Vischnaunca Trun, Via Dulezi 1, 7166 Trun  
Object: Construcziun da stabiliments per semover e termagliar sin plaz scola e denter la scola ed il center communal sin las parcelas 1580 e 1605 a Trun  
Zona: Zona per stabiliments publics (ZSP)

#### Protestas:

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

*Administraziun communal Trun*

#### Tagl da lenna Fuorn-Stretga / parcadi Cartatscha

Actualmein ei la grupp forestala vid in tagl da lenna a Fuorn resp. Stretga sur Cartatscha. La lenna vegn sgulada cun il helicopter giu sin il plaz a Cartatscha. Ord quei motiv sto il parcadi vegnir serraus naven da gliendisdis ils 24 da fevrer entochen venderdis ils 7 da mars 2025 per tut il traffic. Parcar vehichels sin quei plaz ei durant quei temps scumandau.

*Uffeci forestal Trun*

#### Apparats d'udida

**Gliendisdis, ils 3 da mars 2025** saveis Vus schar schubergiar e rugalar Vies apparat d'udida:

09.15 – 10.30 en Casa sogn Martin a Trun

11.00 – 11.45 en Casa sogn Giusep a Cumpadials

13.15 – 14.30 el PUNTREIS, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG surprendan comunablamein quei survetsch gratuit per tuts interessents. Ei drova negina annunzia.

## **Scola da musica Surselva**

La Scola da musica Surselva porscha il suandont cuors:

Ritmica per affons pigns (annadas 2019 e 2020) A Trun (aula scola Trun)

Scolasta: Gabriela Tambornino

mardis, 14.05 – 14.55 (8 lecziuns): 11.3. / 18.3. / 25.3. / 1.4. / 8.4. / 15.4. / 29.4. / 6.5.2025

Bugen spitgein l'annunzia tochen ils 3.3.2025.

Formulars ed ulteriuras informaziuns anfleis sut [www.bzs-surselva.ch](http://www.bzs-surselva.ch) (annunzia online).

*Center da formaziun Surselva CFS*

## **Uniun da dunnas Trun/Zignau**

### **Suentermiezdi creativ**

Temps d'esser creativs en cumpignia! Nus s'entupein mesjamna, ils **12 da mars 2025**, allas 14.00 en scola Trun cun nos projects, giugs ni per star da cumpignia.

Tgi che sa buc organisar senza in taxi sa s'annunziar tochen dus dis avon tier Manuela Schwarz (077 406 21 08). L'Uniun da dunnas envida cordialmein e selegra sche Ti eis era dalla partida!

\*\*\*

### **Di d'oraziun mundiala las Inslas Cook «scaffiu marvegliusamein»**

Nus envidein in e scadina alla devoziun per il di d'oraziun mundiala che ha liug **venderdis, ils 07-03-2025** allas 19:00 en caplutta da s. Onna a Trun. Suentar la devoziun stein nus aunc in tec ensemen da cumpignia.

«Sgulass jeu cun alas d'aurora e setschentass agl ur dalla mar, menass tiu maun mei era leu « (psalm 139)

\*\*\*

### **Mardis tscheiver**

**Mardis, ils 4 da mars 2025** naven dallas 13:00 fagein nus nies usitau tscheiver culs affons ell'aula dalla scola a Trun. Era uonn saveis vus schar gustar in bien toc petta ed enzatgei da beiber ed ei vegn a dar ina ni l'autra sorpresa. Naturalmein astga il pign concert dalla musica da tscheiver «Las Lieurs» buca muncar. Vegni pia e stei da cumpignia cun nus!

\*\*\*

### **Viadi a Stettlen**

Nies viadi meina nus quella gada el cantun Berna. A Stettlen visitein nus il luvratori da veider Kraeuchi. Leu survegnin nus in'instrucziun ellas pusseivladads da luvrar cun veider e mintgina astga crear senza differents objects ord veider. Dapli informaziuns anfleis vus sut [www.kraeuchi.ch](http://www.kraeuchi.ch). Il viadi fagein nus cul tren. **Sonda, ils 29 da mars 2025**.

Bugen astgeis vus s'annunziar tochen gliendisdis, ils 10 da mars 2025 (las annunzias ein ligiontas) tier Sandra Decurtins (079 389 29 49). Nus selegrein sin in bi di cun vus. Cordials salids

*Il comite*

**Uniun samaritana Sumvitg-Trun**

**Aziun da spender saung**

Gliendisdis, ils **3 da mars 2025** naven dallas 18:30 entochen allas 20:30 en sala dil center communal a Trun.

l'uniun samaritana selegra sin stedia participaziun.